

O‘zbekiston Respublikasining 2023-yilgi soliq konsepsiyasi doirasida soliq qonunchilik hujjatlariga kiritilgan asosiy o‘zgarish va qo‘shimchalar to‘g‘risida

2023-yil soliq qonunchiligiga quyidagi qonunchilik hujjatlari bilan o‘zgartish va qo‘shimchalar kiritildi:

1. O‘zbekiston Respublikasining **“Soliq va budget siyosatining 2023-yilga mo‘ljallangan asosiy yo‘nalishlari qabul qilinganligi munosabati bilan O‘zbekiston Respublikasining ayrim qonun hujjatlariga o‘zgartish va qo‘shimchalar kiritish to‘g‘risida”gi qonuni** (30.12.2022-y, O‘RQ-812-son).

2. O‘zbekiston Respublikasining **“2023-yil uchun Davlat budjeti to‘g‘risida”gi qonuni** (30.12.2022-y, O‘RQ-813-son).

3. O‘zbekiston Respublikasi Prezidentining **“O‘zbekiston Respublikasining “2023-yil uchun O‘zbekiston Respublikasining davlat budjeti to‘g‘risida”gi qonuni ijrosini ta‘minlash chora-tadbirlari to‘g‘risida”gi qarori** (30.12.2022-y, PQ-471-son qaror).

4. O‘zbekiston Respublikasi Prezidentining **“Respublika hududlarini toifalarga ajratish va tadbirkorlikni qo‘llab-quvvatlashning tabaqalashtirilgan tizimini joriy etish chora-tadbirlari to‘g‘risida”gi farmoni** (30.12.2022-y, PF-287-son qaror).

Soliq kodeksiga kiritilgan o‘zgartish va qo‘shimchalar:

Qo‘shilgan qiymat solig‘i bo‘yicha:

1. Soliq to‘lovchilarning toifasi, soliqni hisoblab chiqarish va to‘lash tartibi, shuningdek, soliq hisobotini taqdim etish muddatlari **saqlab qolindi**.

2. **Qo‘shilgan qiymat solig‘i stavkasi 15 foizdan 12 foizga pasaytirildi.** (258-modda birinchi qismi)

3. Qoplanadigan (qaytariladigan) qo‘shilgan qiymat solig‘i summasining asosligi yuzasidan **kameral soliq tekshiruvini** o‘tkazish muddatlari **60 kundan 30 kunga qisqartirildi.** (138-modda yigirma ikkinchi qismi)

4. **2023-yil 1-apreldan** quyidagilar bo‘yicha berilgan imtiyozlar **bekor qilindi** (243-modda birinchi qismi)

budget mablag‘lari hisobidan har yillik mineral xomashyo bazasini rivojlantirish va qayta tiklash davlat dasturlari doirasida ko‘rsatiladigan **geologiya xizmatlari bo‘yicha aylanma;**

pochta markalari, markali otkritkalar, konvertlarni realizatsiya qilish bo‘yicha aylanma;

budget mablag‘lari hisobidan bajariladigan ilmiy-tadqiqot va innovatsion ishlarni realizatsiya qilish bo‘yicha aylanma.

Shuningdek, 2023-yil 1-iyuldan O‘zbekiston Respublikasi Milliy gvardiyasining qo‘riqlash bo‘linmalari xizmatlari bo‘yicha taqdim etilgan imtiyozlar bekor qilindi.

5. Davlat hokimiyati va boshqaruvi organlari O‘zbekiston Respublikasi Prezidenti yoki Vazirlar Mahkamasining qaroriga asosan qo‘shilgan qiymat solig‘ini to‘lovchilar deb e‘tirof etilishi belgilandi. *(237-modda uchinchi qismining 1-bandi)*

6. **2023-yil 1-yanvardan boshlab** QQS guvohnomasining amal qilish muddati to‘xtatilganligi munosabati bilan **hisobga qabul qilinmagan**, haqiqatda olingan tovarlar (xizmatlar) bo‘yicha to‘langan (to‘lanishi lozim bo‘lgan) soliq summasiga, **guvohnomaning amal qilish muddati tiklangan taqdirda**, soliq to‘lovchida va uning xaridorlarida guvohnomaning amal qilishi to‘xtatib turilgan davr uchun **tuzatishlar kiritilishi (hisobga qabul qilinishi) huquqi berildi**. *(266¹-modda)*

7. **Yirik soliq to‘lovchilar bo‘yicha hududlararo davlat soliq inspeksiyasida** hisobda turadigan soliq to‘lovchilarga tovarlarni import qilish chog‘ida qo‘shilgan qiymat solig‘i to‘lovi hisobiga budjetdan qoplanishi lozim bo‘lgan qo‘shilgan qiymat solig‘i summalarini **o‘zaro hisobga olish huquqi berildi**.

Bunda hisobga olish soliq va bojxona organlari tomonidan **avtomatik rejimda** amalga oshiriladi. Buning uchun soliq to‘lovchi BYUDni rasmiylashtirayotganda **qo‘shilgan qiymat solig‘i qoplanishi lozim bo‘lgan summa hisobidan to‘langani to‘g‘risida belgi qo‘yishi lozim**. *(PQ-471-sonli qarorning 3-bandi)*

Aksiz solig‘i bo‘yicha:

1. Soliq to‘lovchilarning toifasi, shuningdek, soliq hisobotini taqdim etish va soliqni to‘lash muddatlari saqlab qolindi.

2. **2023-yil 1-fevraldan boshlab** neft mahsulotlari hamda ishlab chiqariladigan alkogol va tamaki mahsulotlari bo‘yicha aksiz solig‘i stavkalari **10 foizga** indeksatsiya qilindi. *(289¹, 289² va 289³-moddalar)*

3. **2023-yil 1-yanvardan boshlab** alkogol mahsulotlarini (kuchsiz alkogolli ichimliklar bundan mustasno) ishlab chiqarishda aksiz solig‘i aksiz to‘lanadigan mahsulot tarkibidagi **etil spirtining ulushidan** kelib chiqqan holda hisoblab chiqariladi.

Bunda ishlab chiqariladigan alkogol mahsulotining o‘lchov birligi **“litr”** deb belgilandi *(ilgari “dal” edi)*. *(289²-modda)*

4. **2023-yil 1-yanvardan** boshlab oziq-ovqat xomashyosidan **rektifikatsiyalangan** etil spirti, **efiraldegidli fraksiyadan texnik rektifikatsiyalangan** etil spirti va **asosiy fraksiyadan** etil spirtiga aksiz solig‘i stavkasi **5 baravarga oshirildi** va **1 litr uchun 7 450 so‘mni** tashkil etdi. *(289²-modda)*

5. 2023-yil 1-yanvardan boshlab alkogol va tamaki mahsulotlarini **import qilishda** aksiz solig'i stavkalari **5 foizga** pasaytirildi. (289¹ va 289²-moddalar)

Foyda solig'i bo'yicha:

1. **2022-yil 1-noyabrdan boshlab** tovarlarni (xizmatlarni) **eksportga realizatsiya qilishdan olingan foydaga** eksportdan olingan daromadning jami daromaddagi ulushidan qat'i nazar, **0 foiz miqdoridagi soliq stavkasi** bo'yicha soliq solinadi. Bunda **2023-yil 1-yanvardan boshlab doimiy muassasalar orqali** O'zbekiston Respublikasida faoliyatni amalga oshiruvchi O'zbekiston Respublikasi norezidentlariga xizmatlar ko'rsatishdan olingan foyda bo'yicha **0 foiz miqdoridagi soliq stavkasi qo'llanilmaydi.** (337-modda sakkizinchi qismi)

2. Faoliyatni **doimiy muassasa** orqali amalga oshiruvchi norezident **dividendlar ko'rinishidagi daromadlar bo'yicha** O'zbekiston Respublikasining xalqaro shartnomasida nazarda tutilgan **pasaytirilgan soliq stavkasini** qo'llashga haqli ekanini nazarda tutuvchi aniqlashtirish kiritildi. Dividendlar ko'rinishidagi daromadlar bo'yicha soliq solish masalalariga doir O'zbekiston Respublikasining xalqaro shartnomasida bir nechta pasaytirilgan soliq stavkasi nazarda tutilgan bo'lsa, **ularning eng past bo'lgani qo'llaniladi.** (347-modda o'ninchi qism)

3. **2023-yil 1-yanvardan boshlab** norezidentning montaj qilish va (yoki) ishga tushirish-sozlash xizmatlari va boshqa shunga o'xshash xizmatlarni ko'rsatishini nazarda tutuvchi asbob-uskunalarini sotib olish (sotish) uchun tashqi savdo kontrakti doirasida, ko'rsatiladigan xizmatlar qiymati alohida ko'rsatilmasa, u holda norezidentning soliq solinadigan daromadi bunday xizmatlarning **bozor qiymatidan kelib chiqib aniqlanadi.** (351-modda uchinchi qismi 1-band "b" kichik bandi)

4. Soliq bo'yicha **avans to'lovlari summasi to'g'risidagi ma'lumotnomani** taqdim etish muddatiga o'zgartirish kiritildi. Xususan, **2023-yil 1-yanvardan boshlab** ushbu ma'lumotnomani joriy chorakda olinishi kutilayotgan foyda summasidan kelib chiqib **keyingi chorakdagi birinchi oyning 15-sanasigacha** (ilgari 10-sanasigacha) taqdim etishga haqli. (340-moddaning o'n birinchi qismidagi)

5. Quyidagi toifadagi soliq to'lovchilar uchun foyda solig'i stavkasini 50 foizga pasaytirish huquqi beriladi:

a) **2022-yil 1-sentabrdan keyin** birinchi marta foyda solig'ini to'lashga o'tgan aylanmadan olinadigan soliq to'lovchilarga – soliq to'lovchi soliq to'lashga o'tgan yildan keyingi bitta soliq davri davomida, basharti pasaytirilgan soliq stavkasi qo'llanadigan soliq davrida soliq to'lovchining jami daromadi **10 milliard so'mdan oshmagan** bo'lsa;

Bunda mazkur soliq to'lovchilar soliq bazasini soddalashtirilgan tartibda **jami daromadning 25 foizi miqdorida** belgilashga haqli.

b) **2022-yil 1-sentabrdan keyin** joriy soliq davri davomida jami daromadi birinchi marta **10 milliard so‘mdan oshgan** soliq to‘lovchilarga – bosharti pasaytirilgan soliq stavkasi qo‘llanadigan soliq davrlarida jami daromad **100 milliard so‘mdan oshmagan** bo‘lsa, **joriy soliq davri** va **keyingi soliq davri** davomida.

Pasaytirilgan soliq stavkasi yer qa‘ridan foydalanganlik uchun soliqni va aksiz solig‘ini to‘lovchilarga nisbatan, shuningdek, **soliq to‘lovchi tugatilgan** va (yoki) pasaytirilgan soliq stavkasini qo‘llash uchun soliq to‘lovchining tovarlarni (xizmatlarni) realizatsiya qilishdan olgan daromadlarini ikki va undan ortiq tadbirkorlik subyektlari o‘rtasida taqsimlash (bo‘lish) dalillari aniqlangan taqdirda qo‘llanilmaydi. *(337-modda o‘n birinchi, o‘n ikkinchi va o‘n uchinchi qismlar)*

6. Foydali qazilmalar kavlab olinadigan konlarda tog‘ jinslarini olib tashlash ishlari istiqbolni ko‘zlab amalga oshirilishini inobatga olgan holda, ular alohida amortizatsiya aktivlari guruhiga o‘tkazildi. Ushbu xarajatlar mazkur amortizatsiyalanadigan aktiv bo‘yicha amortizatsiya normasini, biroq bir yilda jamg‘arilgan xarajatlar summasining 33 foizidan ortiq bo‘lmagan miqdorda, qo‘llash orqali soliq to‘lovchining **jami daromadidan amortizatsiya ajratmalari ko‘rinishida chegirilishi** nazarda tutilgan. *(311-modda)*

Aylanmadan olinadigan soliq bo‘yicha:

1. Aylanmadan olinadigan soliq stavkalari soliq to‘lovchilarning barcha toifalari uchun **4 foiz** miqdoridagi yagona stavkani belgilagan holda **birxillashtirildi**.

Bunda soliq to‘lovchining **joylashgan joyi, aholi soni va faoliyat turiga bog‘liq** holda **pasaytirilgan soliq stavkalari saqlab qolindi**. *(467-modda)*

2. 2023-yildan boshlab aylanmadan olinadigan soliq to‘lovchilar ixtiyoriy asosda qat‘iy belgilangan miqdorda soliq to‘lashni tanlashga haqli. Bunda jami daromad summasi **500 million so‘mdan oshmagan**da yiliga **20 million so‘m** qat‘iy belgilangan miqdordagi soliqni, jami daromad summasi **500 million so‘mdan oshganda esa** yiliga **30 million so‘m** to‘lashni tanlash huquqi berildi.

Qat‘iy belgilangan summadagi soliq teng ulushlarda har oyda, kalendar oydan keyingi oyning 15-kunidan kechiktirmay to‘lanadi.

Mazkur soliqni to‘lashga o‘tish uchun soliq to‘lovchi soliq hisobiga qo‘yilgan joydagi soliq organiga **keyingi oy boshlanishidan 10 kun oldin** xabarnoma yuborishi zarur. Mazkur norma 2023-yil 1-yanvardan kuchga kirishini e‘tiborga olgan holda, birinchi marta qat‘iy belgilangan summada soliq to‘lashga o‘tayotgan soliq to‘lovchilar soliq organlariga xabarnomani **2023-yil 25-yanvardan** kechiktirmay taqdim etishga haqli.

Yangi tashkil etilgan soliq to‘lovchilar davlat ro‘yxatidan o‘tish chog‘ida qat‘iy belgilangan summada soliq to‘lashni **tanlashga haqli**.

Qat'iy belgilangan summada soliq to'lashni **rad etish navbatdagi soliq davri boshidan amalga oshiriladi.**

Soliq davri mobaynida qat'iy belgilangan summada **soliq to'lashga o'tishda** soliq miqdori qat'iy belgilangan summani 12 ga bo'lish va olingan natijani joriy soliq davri oxirigacha qolgan oylar soniga ko'paytirish yo'li bilan aniqlanadi.

Soliq davri mobaynida qat'iy belgilangan summada soliq to'lovchining jami daromadi **500 million so'mdan** oshgan taqdirda, qat'iy belgilangan summadagi soliq summasi u oshgan oydan boshlab joriy soliq davri oxirigacha, **500 million so'mdan** ortiq jami daromadga ega soliq to'lovchilar uchun belgilangan soliq stavkasidan kelib chiqqan holda qayta hisoblanadi.

Soliq davri mobaynida qat'iy belgilangan summada soliq to'lashdan qo'shilgan qiymat solig'i va foyda solig'ini to'lashga o'tishda qat'iy belgilangan summadagi soliq ushbu soliqlarga o'tilgan oxirgi kalendar oyni hisobga olgan holda to'lanishi lozim.

Qat'iy belgilangan miqdorda soliq to'lovchilar **dividendlarga foyda solig'i va jismoniy shaxslardan olinadigan daromad solig'i solinmaydi** hamda ushbu soliqlar bo'yicha **soliq hisobotini taqdim etmaydi.**

Bunda ixtiyoriy yoki majburiy tartibda **QQS to'lashga o'tishda** bunday soliq to'lovchilarga **QQS bilan xarid qilingan tovarlar qoldiqlari bo'yicha QQSni hisobga olish huquqi berilmaydi.**

3. Soliq davri mobaynida jami daromadi **1 milliard so'mdan** oshgan soliq to'lovchilar, shu jumladan, yangi tashkil etilgan yuridik shaxslar va yangi ro'yxatdan o'tkazilgan yakka tartibdagi tadbirkorlar jami **daromadning ko'rsatilgan miqdoriga yetgan kundan e'tiboran qo'shilgan qiymat solig'i va foyda solig'ini to'lashga o'tadilar.** (470¹-modda)

Jismoniy shaxslardan olinadigan daromad solig'i va ijtimoiy soliq bo'yicha:

1. Jismoniy shaxslar o'z daromadlarini ipoteka kreditlarini so'ndirishga yo'naltirganda, bir vaqtning o'zida **turar joy qiymati** (*bugungi kunga kelib 300 mln so'm*) **bo'yicha talabni bekor qilgan holda**, jismoniy shaxslardan olinadigan daromad solig'i bo'yicha soliq solinmaydigan **daromad summasi 15 mln so'mdan** mehnatga haq to'lashning eng kam miqdorining **80 baravarigacha** (*yoki 73,6 mln so'm*) **oshirildi.** (378-modda 16-bandining beshinchi xatboshi)

2. **2023-yil 1-apreldan boshlab** jismoniy shaxslarning **hayotini uzoq muddatga sug'urtalash** haqini to'lashga **yo'naltiriladigan** jismoniy shaxslarning daromadlari qismida jismoniy shaxslardan olinadigan daromad solig'i bo'yicha **imtiyozlar bekor qilindi.** (378-modda 15-bandi)

3. **Qat'iy belgilangan miqdorlarda soliqni to'lovchi jismoniy shaxslar uchun jismoniy shaxslardan olinadigan daromad solig'i stavkasi 10 foizga indeksatsiya qilindi.** (383-modda birinchi qismi)

4. Keyingi yilning 15-fevralidan kechiktirmay belgilanadigan **jismoniy shaxslardan olinadigan daromad solig'i va ijtimoiy soliq bo'yicha yillik soliq hisobotini** taqdim etish muddatlariga **o'zgartirish kiritildi.**

2022-yil yakunlariga ko'ra yillik soliq hisobotini 2023-yil 15-fevraldan kechiktirmay taqdim etish zarur. (407-modda to'rtinchi qismi)

5. Jismoniy shaxslardan olinadigan daromad solig'ini hisoblab chiqarish maqsadida jismoniy shaxslar uchun belgilangan **ijara to'lovining eng kam stavkalari 10 foizga indeksatsiya qilindi.** (O'RQ-813-son 8-ilova)

Yuridik shaxslarning mol-mulkiga solinadigan soliq bo'yicha:

1. Soliq kodeksining 415-moddasi to'rtinchi qismida nazarda tutilgan obyektlar bo'yicha belgilangan pasaytirilgan soliq stavkasini bazaviy soliq stavkasiga, 2023-yilda uni 0,5 foizdan 0,6 foizgacha oshirish yo'li bilan, bosqichma-bosqich yetkazish davom ettiriladi. Yuridik shaxslar uchun pasaytirilgan soliq stavkasi 2020-yildan boshlab ilgari soliq imtiyozlari berilgan obyektlar bo'yicha joriy etilgan edi. (415-modda uchinchi qismi)

2. Soliq hisobotini taqdim etish va soliqni (bo'nak to'lovlarini) to'lash muddatlariga o'zgartirish kiritildi. Xususan, quyidagi muddatlar belgilandi:

soliq hisobotini taqdim etish – hisobot beriladigan soliq davridan keyingi yilning **1-martidan kechiktirmay.** Soliq davri uchun soliq, bo'nak to'lovlarini hisobga olgan holda, **xuddi shu muddatda to'lanadi;**

joriy soliq davri uchun **soliq summasi to'g'risidagi ma'lumotnomani** taqdim etish (bo'nak to'lovlari) – joriy soliq davrining **20-yanvaridan kechiktirmay;**

aylanmadan olinadigan soliqni to'lovchilar tomonidan **bo'nak to'lovlarini to'lash** – har chorakdagi uchinchi oyning **20-sanasi**dan kechiktirmay. Qolgan soliq to'lovchilar uchun **bo'nak to'lovlarini to'lash** muddatlari saqlanib qoladi – har oyning **10-sanasi**gacha, bunda ular **yanvar oyi** uchun **20-yanvardan kechiktirmay to'laydi.** (417-modda)

Jismoniy shaxslarning mol-mulkiga solinadigan soliq bo'yicha:

1. **2023-yilda turar joy fondi obyektlariga** (shu jumladan, ko'p kvartirali uylarga uzviy bog'liq bo'lgan mashina turar joylariga) ega bo'lgan jismoniy shaxslar uchun soliq summasi **2022-yil uchun hisoblangan soliq summasidan 1,3 baravardan ortiq miqdorda oshishi mumkin emas.**

Bunda 2023-yildan boshlab yashash uchun mo'ljallanmagan ko'chmas mulk obyektlari qismida jismoniy shaxslarning mol-mulkiga solinadigan soliq summasini

o'tgan yildagiga nisbatan cheklashni qo'llash amaliyoti bekor qilinadi. Ushbu norma ko'chmas mulk obyektlari jismoniy yoki yuridik shaxsga tegishli ekanidan qat'i nazar, ularning funksional vazifasiga (noturar joylar) qarab soliq solishning teng sharoitlarini yaratish maqsadida joriy etilgan. (*PQ-471-sonli qarorning 7-bandi*)

Yer solig'i bo'yicha:

1. **Qishloq xo'jaligiga mo'ljallanmagan** yerlar uchun 2022-yilda amalda bo'lgan yer solig'ining bazaviy stavkalari o'rtacha **10 foizga indeksatsiya qilindi**. Bunda soliq stavkalarining aniq miqdorini mahalliy davlat hokimiyati organlari tomonidan bazaviy stavkalar asosida, tumanlarning iqtisodiy rivojlanishiga qarab, oshiruvchi va kamaytiruvchi koeffitsiyentlarni qo'llagan holda aniqlash tartibi saqlab qolindi. (*429-modda birinchi qismi*)

2. **2023-yilda** uy-joy fondining ko'chmas mulk obyektlari egallagan qishloq xo'jaligiga mo'ljallanmagan yer uchastkalariga ega **bo'lgan jismoniy shaxslar uchun** soliq summasi **2022-yilda hisoblangan soliq summasidan 1,3 baravardan ortiq miqdorda oshmasligi lozim**. (*PQ-471-sonli qarorning 7-bandi*)

4. **2023-yilda** Soliq kodeksining 429-moddasida nazarda tutilgan yuridik shaxslarning alohida obyektlar bilan band bo'lgan yer uchastkalari uchun soliq stavkalariga nisbatan qo'llaniladigan pasaytiruvchi **koeffitsiyentni 0,25 dan 0,3 ga oshirildi**.

5. **Qishloq xo'jaligiga mo'ljallangan yerlarga ega bo'lgan jismoniy shaxslarga** nisbatan **dehqon xo'jaliklari** uchun nazarda tutilgan yer solig'ini **hisoblab chiqarish va to'lash tartibi tatbiq etiladi**. Ular uchun yer solig'i summasi soliq organlari tomonidan qonun hujjatlariga muvofiq belgilangan yer uchastkalarining normativ qiymatidan kelib chiqqan holda hisoblanadi. Bunda yer uchastkalarining normativ qiymati, tegishincha, o'rtacha tuman (shahar)ning sug'oriladigan yoki sug'orilmaydigan yeri bo'yicha aniqlanadi. (*435-modda ikkinchi qismi*)

6. **Qishloq xo'jaligiga mo'ljallanmagan yerlar bo'yicha** soliq hisobotini taqdim etish va soliqni to'lash muddatlariga o'zgartirishlar kiritildi. Xususan, quyidagi muddatlar belgilandi:

soliq hisoboti va yuridik shaxsda soliq solish obyekti hisoblanmaydigan yer uchastkalari mavjudligi to'g'risidagi ma'lumotnomani taqdim etish – **joriy soliq davrining 20-yanvaridan kechiktirmay**;

aylanmadan olinadigan soliq to'lovchilar tomonidan soliq to'lash – **har chorak uchinchi oyining 20-kunidan kechiktirmay**. Qolgan soliq to'lovchilar uchun soliqni to'lash muddatlari saqlanib qoladi – har oyning 10-kuniga qadar, bunda ular **yanvar** oyi uchun **20-yanvardan kechiktirmay to'laydilar**.

Qishloq xo'jaligiga mo'ljallangan yerlar bo'yicha soliq hisobotini taqdim etish va soliqni to'lash muddatlari saqlab qolinmoqda. (431-432-modda)

Suv resurslaridan foydalanganlik uchun soliq bo'yicha:

1. Quyidagilarga ega bo'lgan jismoniy shaxslar uchun suv resurslaridan foydalanganlik uchun **soliq to'lash joriy etildi:**

a) **tadbirkorlik faoliyati** va (yoki) **daromad olish uchun mo'ljallangan** noturar joy maqsadidagi ko'chmas mulk obyektlariga yakka tartibdagi tadbirkorlar uchun belgilangan soliq stavkalari bo'yicha;

b) **qishloq xo'jaligiga mo'ljallangan yerlarga** dehqon xo'jaliklari uchun belgilangan soliq stavkalari bo'yicha. (441-modda birinchi qismining to'rtinchi va beshinchi xatboshilari)

Soliq to'lovchilarning ushbu toifasi bo'yicha **soliq soliq organlari tomonidan hisoblab chiqariladi.** (444-modda o'ninchi qismi)

3. 2022-yilda amalda bo'lgan soliq stavkalari o'rtacha 10 foizga indeksatsiya qilindi. (445-moddaning birinchi qismi)

4. Quyidagi muddatlarga o'zgartirishlar kiritildi:

Yuridik shaxslar (bundan qishloq xo'jaligi korxonalari mustasno) uchun **soliq hisobotini taqdim etish**, u hisobot beriladigan soliq davridan **keyingi yilning 1-martidan** kechiktirmay belgilanadi. Soliq davri uchun soliq, bo'nak to'lovlarini hisobga olgan holda, **xuddi shu muddatda to'liq to'lanadi;**

soliq organlari tomonidan soliqni to'lash to'g'risidagi to'lov xabarnomasini topshirish, u soliq davridan keyingi yilning 1-martidan kechiktirmay belgilanadi. (447-modda)

5. Qishloq xo'jaligi korxonalari uchun soliq to'lashning 2 ta muddati belgilandi:

1-oktabrga qadar – qishloq xo'jaligi korxonasi o'tgan soliq davrida **qishloq xo'jaligi yerlarini sug'orish va baliq ko'paytirish** (yetishtirish) uchun foydalanadigan suv hajmi asosida soliq organlari tomonidan aniqlangan yillik soliq summasining **70 foizi**. Bunda qishloq xo'jaligi korxonasi tomonidan o'tgan soliq davrida foydalanilgan suv hajmi to'g'risidagi ma'lumot mavjud bo'lmaganda soliq summasi suvdan foydalanish va suvni iste'mol qilish sohasidagi vakolatli organ tomonidan tasdiqlangan suv iste'moli normativlari bo'yicha aniqlanadi;

15-dekabrga qadar – soliqning qolgan summasi. (447-modda)

Yer qa'ridan foydalanganlik uchun soliq bo'yicha:

1. **Qora, qimmatbaho, rangli va radioaktiv metallar, shuningdek, nodir elementlar va nodir yer elementlari** bo'yicha joriy etilayotgan tartibga muvofiq:

qazib olingan (ajratib olingan) metallarni haqiqatda **realizatsiya qilish hajmi soliq solish obyekti hisoblanadi**;

qazib olingan (ajratib olingan) metallarni haqiqatda **realizatsiya qilish hajmi soliq bazasi hisoblanadi**. (450-modda birinchi qismi)

2. **Gaz kondensati** bo'yicha soliq bazasi tabiiy gaz va neft uchun nazarda tutilgan tartibga aynan o'xshash tarzda aniqlanadi. (451-modda to'qqizinchi qismi)

3. **"Netback" mexanizmi qo'llaniladigan** metallar va uglevodorodlar bo'yicha fiskal perimetriga aniqlik kiritilmoqda. Bunda foydali qazilmalarning ushbu turlari bo'yicha soliq bazasini aniqlashda qazib olingan foydali qazilmalarni tashish va (yoki) qayta ishlash, shu jumladan, qaytarish sharti bilan ularga qayta ishlov berish bilan bog'liq xarajatlar summasi soliq to'lovchi tomonidan soliq organlari bilan birgalikda aniqlanadi. Mazkur xarajatlar summasiga kalendar **yil yakunlari bo'yicha shunga o'xshash tartibda tuzatish kiritilishi mumkin**.

4. **Temir** bo'yicha soliq stavkasi **5 foizdan 2 foizga** pasaytirildi. (452-modda birinchi qismining 6-band)

Boshqa o'zgartirishlar

1. Moliya-xo'jalik faoliyatini amalga oshirish uchun zarur bo'lgan asosiy vositalar va boshqa mol-mulkning saqlanishi uchun soliq qarzi undiruvini soliq qarzi mavjud soliq to'lovchining mol-mulkiga qaratish muddati **30 kundan 60 kungacha** uzaytirildi. (119-modda)

2. Jami daromadi **10 mlrd so'mgacha** bo'lgan qo'shilgan qiymat solig'i va foyda solig'ini to'lovchilarga soliq qarzini 6 oy muddatda bo'lib-bo'lib to'lash haqida xabardor qilish huquqi berildi (*bundan ustav fondida (ustav kapitalida) 50 foiz va undan ortiq miqdorda davlat ulushiga ega bo'lgan yuridik shaxslar, yer qa'ridan foydalanuvchilar va aksiz solig'i to'lanadigan tovarlarni ishlab chiqaruvchilar mustasno*).

Bunda foizlarni to'lamasdan bo'lib-bo'lib to'lash imkoniyati kalendar yil davomida bir marta taqdim etiladi. (100-modda ikkinchi qismi 3³-band)

3. Budget tashkilotlariga tovarlarni (xizmatlarni) realizatsiya qilishdan olingan daromadlar bo'yicha taqdim etilgan **soliq imtiyozlari 2024-yilning 1-yanvariga qadar** uzaytirildi. (337-modda oltinchi qismi)

4. 2023-yil uchun **ayrim turdagi tovarlar bilan chakana savdo qilish huquqi uchun yig'implarning** eng yuqori stavkalari 2022-yil darajasida saqlab qolindi.

5. 2023-yil uchun quyidagi soliq stavkalari:

a) **"Navoiy kon-metallurgiya kombinati"** AJ va **"Olmaliq kon-metallurgiya kombinati"** AJ uchun:

rentabellik darajasidan kelib chiqqan holda **foyda solig'i** soliq solish bazasining, tovar (xizmat) realizatsiya qilishdan tushgan tushumning 15 foiziga teng miqdordagi qismiga **15 foiz**, qolgan qismiga **50 foiz**;

yer qa'ridan foydalanganlik uchun soliq oltin bo'yicha — **10 foiz**, palladiy, kumush va mis bo'yicha — **15 foiz**;

b) "O'zbekneftgaz" AJ uchun neft, tabiiy gaz va gaz kondensati bo'yicha — **15 foiz**;

d) **oltindan yasalgan** zargarlik buyumlarini **chakana savdoda sotganlik uchun** yig'im **1 gramiga 1 000 so'm** miqdorida tasdiqlansin. (30.12.2022-y, PQ-471-son qaror 5-bandi)

6. 2023-yil uchun mol-mulkni ijaraga beruvchi jismoniy shaxslar uchun belgilangan ijara to'lovining eng kam stavkalari

(2022-yil 30-dekabrdagi O'RQ-813-son Qonunga 8-ilova)

T/r	Ijaraga beriladigan mol-mulk turi	Belgilangan stavka miqdorini tavsiflovchi koʻrsatkich	Oylik ijara toʻlovi stavkalarining eng kam miqdorlari, soʻmda		
			Toshkent shahri	Nukus shahri va viloyat markazi boʻlgan shaharlar	boshqa aholi punktlari
1.	Binolar:				
	turar joy	umumiy maydonning 1 kv metri uchun	17 000	10 500	4 500
	noturar joy		35 000	20 500	8 300
2.	Avtomobil transporti:				
	yengil avtomobil (yoʻlovchilar, bagaj tashishga moʻljallangan hamda haydovchi oʻrnini hisoblamaganda, oʻrindiqlari soni 8 tadan koʻp	1 ta avtotransport vositasi uchun	695 000		

	bo‘lmagan avtotransport vositasi)		
	mikroavtobuslar, avtobuslar va yuk avtomobillari		
			1 375 000

7. 2023-yil uchun tovarlarning ayrim turlari bilan chakana savdo qilish huquqi uchun yig‘imlarning cheklangan stavkalari

(2022-yil 30-dekabrda O‘RQ-813-son Qonunga 9-ilova)

T/r	Yig‘im turi	Bir oyga chegaralangan stavkalar (so‘mda)			
		Toshkent shahri	Nukus shahri, shaharlar — viloyat markazlari	boshqa shaharlar	boshqa aholi punktlari
1.	Alkogol mahsulotlarini realizatsiya qilish huquqi uchun undiriladigan yig‘im	1 200 000	840 000	600 000	300 000
2.	Umumiy ovqatlanish korxonalaridan alkogol mahsulotlarini realizatsiya qilish huquqi uchun undiriladigan yig‘im	600 000	420 000	300 000	150 000

8. **2023-yil 1-yanvardan 2026-yil 1-yanvarga** qadar soliq solishning quyidagi tabaqalashtirilgan tartibi joriy etildi:

a) **5-toifadagi** tumanlarda **ro‘yxatdan o‘tgan** va shu hududlarda **faoliyat yuritadigan** tadbirkorlik subyektlari (yirik soliq to‘lovchilar, doimiy muassasa, budget tashkiloti va davlat korxonasi, ustav jamg‘armasi (kapitali)da davlat ulushi 50 foiz va undan ko‘proq miqdorda bo‘lgan yuridik shaxslar bundan mustasno):

foyda solig'i, aylanmadan olinadigan soliq va ijtimoiy soliqni 1 foiz;

yuridik shaxslarning **mol-mulkiga solinadigan soliq** va **yuridik shaxslardan olinadigan yer solig'ini** mazkur soliqlar bo'yicha hisoblangan summaning **1 foizi** miqdoridagi soliq stavkalari bo'yicha to'laydi;

b) **5-toifadagi** tumanlarda ro'yxatdan o'tgan va shu hududlarda faoliyat yuritadigan yakka tartibdagi tadbirkorlar jismoniy shaxslardan olinadigan daromad solig'ining **qat'iy belgilangan summalarini to'lashdan ozod qilinadi;**

d) **4-toifadagi** tumanlarda **ro'yxatdan o'tgan** va shu hududlarda **faoliyat yuritadigan** tadbirkorlik subyektlari (yirik soliq to'lovchilar, doimiy muassasa, budget tashkiloti va davlat korxonasi, ustav jamg'armasi (kapitali)da davlat ulushi 50 foiz va undan ko'proq miqdorda bo'lgan yuridik shaxslar bundan mustasno) uchun **aylanmadan olinadigan soliqning** bazaviy soliq stavkasi **3 foiz** etib belgilanadi. Bunda, qonunchilikda nazarda tutilgan hollarda mazkur soliq bo'yicha pasaytirilgan soliq stavkalari saqlab qolinadi;

e) Qoraqalpog'iston Respublikasi Jo'qorg'i Kengesi va xalq deputatlari viloyatlar Kengashlariga **4-toifadagi tumanlar** bo'yicha:

yuridik shaxslarning mol-mulkiga solinadigan soliq va yuridik shaxslardan olinadigan yer solig'i bo'yicha Soliq kodeksi bilan belgilangan eng kam qiymatlarga **0,3** gacha;

yakka tartibdagi tadbirkorlar uchun **qat'iy belgilangan miqdordagi jismoniy shaxslardan olinadigan daromad solig'i** bo'yicha **0,5** gacha **kamaytiruvchi** koeffitsiyent kiritish huquqi beriladi. (30.12.2022-y, PF-287-son farmon 2-bandi)

Ixtisoslashuvi hamda kichik biznes uchun mavjud sharoitdan kelib chiqib toifalarga ajratilgan O'zbekiston Respublikasi shahar va tumanlarining

RO'YXATI

(30.12.2022-y, PF-287-son farmon 1-ilova)

T/r	Hududlar nomi	Shahar va tumanlar
4-toifa		
1.	Qoraqalpog'iston Respublikasi	Amudaryo tumani
2.		Nukus tumani
3.	Andijon viloyati	Jalaquduq tumani

4.		Izboskan tumani
5.		Marhamat tumani
6.		Paxtaobod tumani
7.	Buxoro viloyati	Vobkent tumani
8.		Jondor tumani
9.		Olot tumani
10.		Peshku tumani
11.		Shofirkon tumani
12.	Jizzax viloyati	Baxmal tumani
13.		Yangiobod tumani
14.	Qashqadaryo viloyati	Qamashi tumani
15.		Mirishkor tumani
16.		Muborak tumani
17.		Nishon tumani
18.	Navoiy viloyati	Konimex tumani
19.		Xatirchi tumani
20.	Namangan viloyati	Norin tumani
21.	Samarqand viloyati	Kattaqo‘rg‘on tumani
22.		Nurobod tumani
23.		Paxtachi tumani
24.		Payariq tumani
25.	Sirdaryo viloyati	Boyovut tumani
26.		Guliston tumani
27.		Sayxunobod tumani
28.		Xovos tumani
29.	Surxondaryo viloyati	Boysun tumani
30.		Muzrabot tumani

31.		Uzun tumani
32.		Sherobod tumani
33.		Shoʻrchi tumani
34.		Bekobod tumani
35.	Toshkent viloyati	Boʻka tumani
36.		Piskent tumani
37.	Fargʻona viloyati	Furqat tumani
38.		Qoʻshkoʻpir tumani
39.	Xorazm viloyati	Xiva tumani
40.		Yangibozor tumani
5-toifa		
1.		Boʻzatov tumani
2.		Kegeyli tumani
3.		Qonlikoʻl tumani
4.	Qoraqalpogʻiston Respublikasi	Moʻynoq tumani
5.		Taxtakkoʻpir tumani
6.		Shumanay tumani
7.		Boʻston tumani
8.	Andijon viloyati	Ulugʻnor tumani
9.	Jizzax viloyati	Arnasoy tumani
10.	Qashqadaryo viloyati	Dehqonobod tumani
11.	Navoiy viloyati	Tomdi tumani
12.	Namangan viloyati	Mingbuloq tumani
13.	Samarqand viloyati	Qoʻshrabot tumani
14.	Sirdaryo viloyati	Sardoba tumani
15.		Bandixon tumani
16.	Surxondaryo viloyati	Qiziriq tumani

17.		Oltinsoy tumani
18.	Fargʻona viloyati	Soʻx tumani
19.		Yozyovon tumani
20.	Xorazm viloyati	Yangiariq tumani

СОЛИҚЛАР ВА ЙИҒИМЛАРЛАРНИНГ 2022-2023 ЙИЛЛАРДАГИ АСОСИЙ СТАВКАЛАРИ ТЎҒРИСИДА
ТАҚҚОСЛАМА ЖАДВАЛ



№	Солиқлар ва йиғимларнинг турлари		2022 йил	2023 йил	Фарқи	
ЮРИДИК ШАХСЛАР БЎЙИЧА						
1.	Фойда солиғи	асосий ставка	15 фоиз	15 фоиз	ўзгармаган	
		Банклар	20 фоиз	20 фоиз		
		цемент (клинкер) ишлаб чиқарувчилар (ПҚ-5239, 01.10.21 дан)	15 фоиз	15 фоиз		
		“НКМК” АЖ, “ОКМК” АЖ: солиқ солинадиган фойдани 15%дан солиқ солинадиган фойдани 85%дан	15 фоиз 50 фоиз	15 фоиз 50 фоиз		
		полиэтилен гранулалар и/ч ва мобилъ алоқа хизматлари учун	20 фоиз	20 фоиз		
		миллий реестрига киритилган электрон тижорат субъектлари	7,5 фоиз	7,5 фоиз		
		бозор ва савдо комплексида хизмат кўрсатишдан олинган фойда	20 фоиз	20 фоиз		
		дивидендлар тарзидаги даромадлардан: резидентлар учун норезидентлар учун	5 фоиз 10 фоиз	5 фоиз 10 фоиз		
		2.	Кўшилган қиймат солиғи	асосий ставка		15 фоиз
3.	Акциз солиғи (Республикаимизда ишлаб чиқариладиган товарлар учун)					
	Алкоголь ва тамаки маҳсулотлари 2022 йил 1 октябрдан қуйидаги ставкаларда белгиланган, 2023 йил 1 февралдан 10 фоизга индексация қилинади.					
	этил спирти (1 дал учун) 2023 йил учун Солиқ ставкаси (1 литр учун)		14 900 сўм	7 450 сўм	↑	(1,10 бар. ошади) 01.02.2023 дан
	табiiй равишда ачитилган натурал винолар (1 дал учун) 2023 йил учун Солиқ ставкаси (1 литр учун)		1 сўм	1 сўм		
	бошқа винолар (1 дал учун) 2023 йил учун Солиқ ставкаси (1 литр учун)		19 800 сўм	2 200 сўм	↑	
	коньяк (1 дал тайёр маҳсулот учун) 2023 йил учун Солиқ ставкаси (1 литр учун)		228 000 сўм	38 000 сўм	↑	
	ароқ ва бошқа алкоғолли маҳсулотлар (1 дал тайёр маҳсулот учун) 2023 йил учун Солиқ ставкаси (1 литр учун)		228 700 сўм	38 000 сўм	↑	
	пиво (1 дал тайёр маҳсулот учун) 2023 йил учун Солиқ ставкаси (1 литр учун)		13 800 сўм	1 550 сўм	↑	
	филътрли ва филътрсиз сигареталар, папирослар (1 минг дона учун)		203 500 сўм/1000 донага+10%	223 850 сўм/1000 донага+10%	↑	
	суюлтирилган газ, экспорт	акциз ва ҚҚСни ҳисобга олмаган ҳолда товарлар қийматига нисбатан	бекор қилинмоқда ✕	-		
	мобилъ алоқа хизматлари		15 фоиз	10 фоиз	↓	- 5% пункт
	табiiй газ, шу жумладан, экспорт		20 фоиз	20 фоиз		
	Хушбўйлаштирувчи ёки ранг берувчи қўшимчаларсиз оқ шакар		20 фоиз	20 фоиз		ўзгармаган
	полиэтилен гранулалари		10 фоиз	10 фоиз		
	Бензин, дизель ёқилғисини якуний истеъмолчиларга сотиш	бензин ёқилғиси (1 литр ва 1 тонна учун)	1 л. 385 сўм/1 тн. 512 000 сўм	1 л. 425 сўм/1 тн. 565 000 сўм		(1,10 бар. ошди) 01.02.2023 дан
		дизель ёқилғиси (1 литр ва 1 тонна учун)	1 л. 385 сўм/1 тн. 468 000 сўм	1 л. 425 сўм/1 тн. 516 000 сўм		
		суюлтирилган газ (1 литр ва 1 тонна учун)	1 л. 385 сўм/1 тн. 730 000 сўм	1 л. 425 сўм/1 тн. 807 500 сўм		
		сиқилган газ (1 куб. метр учун)	1 куб метр 550 сўм	1 куб метр 605 сўм		
	4.	Ер қаъридан фойдаланганлик учун солиқ		маҳсулот турларидан келиб чиқиб турли ставкалар мавжуд		
	5.	Сув ресурсларидан фойдаланганлик учун солиқ		1 куб. метр сув учун		
		саноат корхоналари	ер усти 520 сўм ер ости 620 сўм	ер усти 570 сўм ер ости 680 сўм	↑	(1,10 бар. ошди)
			Электр станциялари ва коммунал хизмат кўрсатиш корхоналари	ер усти 80 сўм ер ости 100 сўм	ер усти 90 сўм ер ости 110 сўм	
		автомобилларни ювиш корхоналари		ер усти 2 190 сўм ер ости 2 190 сўм	ер усти 2 410 сўм ер ости 2 410 сўм	
			Қишлоқ хўжалиги ерларини суғориш ва балиқларни етиштириш (ўстириш) учун фойдаланиладиган сув ҳажми, шу жумладан деҳқон хўжаликлари ва қишлоқ хўжалигига мўлжалланган ерларга эга бўлган жисмоний шахслар	ер усти 40 сўм ер ости 40 сўм	ер усти 45 сўм ер ости 45 сўм	
		алкоғолсиз ичимликлар ишлаб чиқариш учун фойдаланилган сув ҳажми бўйича 1 куб. метр учун		ер усти 27 700 сўм ер ости 27 700 сўм	ер усти 30 500 сўм ер ости 30 500 сўм	
Иқтисодиётнинг юқоридагилардан бошқа барча тармоқлари, деҳқон хўжаликлари, шунингдек тадбиркорлик фаолиятида сув ресурсларидан фойдаланадиган жисмоний шахслар			ер усти 240 сўм ер ости 290 сўм	ер усти 265 сўм ер ости 320 сўм	↑	
		6.	Мол-мулк солиғи (асосий ставка)		1,5 фоиз	
1) умумий фойдаланишдаги темир йўллар, магистраль қувурлар, алоқа ва электр узатиш линиялари, шунингдек мазкур объектларнинг ажралмас технологик қисми бўлган иншоотлар ва қурилиши норматив муддатда тугалланмаган ва консервация қилинган объектларга нисбатан		0,4 фоиз	0,4 фоиз			

№	Солиқлар ва йиғимларнинг турлари			2022 йил		2023 йил		Фарқи		
	2) Мулк объектлари учун минимал қиймат киритилиши (1 кв.м учун)			Тошкент шаҳри -2,5 млн, вилоят марказлари - 1,5 млн, бошқа ҳудудлар – 1 млн.сўм		Тошкент шаҳри -2,5 млн, вилоят марказлари - 1,5 млн, бошқа ҳудудлар – 1 млн.сўм				
7.	Ер солиғи (жойлашган жойига қараб турли ставкаларда) Қишлоқ хўжалиги учун мўлжалланган ер майдонларига ер солиғи			1,07 бараварга ошган 0,95 фоиз		1,17 бараварга ошади ↑ 0,95 фоиз		+ 0,10% пункт ўзгармаган		
8.	Ижтимоий солиқ			иш ҳақи фондидан олинади						
	бюджет ташкилотлари			25 фоиз		25 фоиз		ўзгармаган		
	«SOS – Ўзбекистон Болалар маҳаллалари» уюшмалари			7 фоиз		7 фоиз		ўзгармаган		
	ихтисослаштирилган цехлар, участкалар ва корхоналарда ишловчи ногиронлиги бўлган шахслар меҳнатидан фойдаланувчи солиқ тўловчилар			4,7 фоиз		4,7 фоиз		ўзгармаган		
	Бошқа солиқ тўловчилар			12 фоиз		12 фоиз		ўзгармаган		
	Якка тартибдаги тадбиркорларнинг ёлланма ходимлари учун (БХМнинг 50 %ни тулаш)			50 фоиз		йилига БХМнинг 1 барабари (300 000 сўм) ↓		-1 500 000 сўм		
9.	Айланмадан олинadиган солиқ (асосий ставка) Барча тойфадагилар учун ягона ставка белгиланди			4 фоиз		4 фоиз		ўзгармаган		
	1.	Жами даромади беш юз миллион сўмдан ошмаган солиқ тўловчилар		- ❌		20 млн сўм		Янгидан киритилмоқда		
	2.	Жами даромади беш юз миллион сўмдан юқори бўлган солиқ тўловчилар		- ❌		30 млн сўм				
	10.	Айрим турдаги товарлар билан чакана савдо қилиш ҳуқуқи учун йиғим 2022 йил амалдаги ставкалар ўзгармаган		Бир ойга чегараланган ставкалар						
алкоголли маҳсулотлар сотиш		Тошкент шаҳри		Нукус ш. ва вилоят марказлари бўлган шаҳарлар		бошқа шаҳарлар		бошқа аҳоли пунктлари		
		1 200 000 сўм		840 000 сўм		600 000 сўм		300 000 сўм		
умумий овқатланиш корхоналарида алкоголли маҳсулотлари сотиш		600 000 сўм		420 000 сўм		300 000 сўм		150 000 сўм		
ЖИСМОНИЙ ШАХСЛАР БЎЙИЧА										
11.	Жисмоний шахслардан олинadиган даромад солиғи			12 фоиз		12 фоиз		ўзгармаган		
12.	Дивиденд ва фоизлар тарзида даромадлардан: резидентлар учун			5 фоиз		5 фоиз		ўзгармаган		
	норезидентлар учун			10 фоиз		10 фоиз				
3.	Якка тартибдаги тадбиркорларнинг даромадларига солиқ солиш		Бир ойга чегараланган ставкалар (2022 йилдан товар айланмаси 100 млн.сўмдан кам ЯТТлар 12% даромад солиғи тўлаши мумкин)							
	Фаолият тури (чакана савдо)		Тошкент шаҳри		Нукус ш. ва вилоят марказлари бўлган шаҳарлар		бошқа шаҳарлар		бошқа аҳоли пунктлари	
			2022 йил	2023 йил	2022 йил	2023 йил	2022 йил	2023 йил	2022 йил	2023 йил
	озик-овқат ва ноозик-овқат товарларини сотиш		750 000 сўм	852 000 сўм	600 000 сўм	660 000 сўм	300 000 сўм	330 000 сўм	200 000 сўм	220 000 сўм
	деҳқон бозорларида қишлоқ хўжалиги маҳсулотларини сотиш (уй хўжалиги, деҳқон хўжалигида етиштирилган айрим маҳсулотдан ташқари)		250 000 сўм	275 000 сўм	150 000 сўм	165 000 сўм	100 000 сўм	110 000 сўм	50 000 сўм	55 000 сўм
14.	Жисмоний шахслар мол-мулк солиғи			кадастр қийматига нисбатан						
	Турар жойлар, квартиралар, дала ҳовли қурилмалари (бундан умумий майдони 200 кв.м дан ошиқ бўлганлари мустасно), бошқа иморатлар, хоналар ва иншоотлар			0,25 фоиз		0,28 фоиз ↑		+ 0,03% пункт		
	шаҳарларда жойлашган умумий майдони қуйидагича бўлган турар жойлар ва квартиралар:									
	200 кв.м. дан ортиқ ва 500 кв.м гача бўлган			0,33 фоиз		0,37 фоиз		+ 0,04% пункт		
	500 кв.м. дан ортиқ бўлган			0,44 фоиз		0,49 фоиз		+ 0,05% пункт		
	бошқа аҳоли пунктларидаги турар жой, квартира ва дала ҳовли қурилмалари, 200 кв.м. дан ортиқ			0,33 фоиз		0,37 фоиз		+ 0,04% пункт		
	Тадбиркорлик фаолияти ёҳуд юридик шахсга ёки якка тартибдаги тадбиркорга ижарага беришда фойдаланиладиган солиқ солиш объектлари, яшаш учун мўлжалланмаган қўчмас мулк объекти			1,5 фоиз		1,5 фоиз		ўзгармаган		
	кадастр қиймати бўлмаганда мол-мулкнинг шартли қиймати	Тошкент ва Нукус шаҳарларида ҳамда вилоят марказларида бошқа шаҳарлар ва қишлоқ жойларда		210 000,0 минг сўм 90 000,0 минг сўм		210 000,0 минг сўм 90 000,0 минг сўм		ўзгармаган		
15.	Жисмоний шахслар ер солиғи (жойлашган жойига қараб турли ставкаларда)			1,07 бараварга ошган		1,10 бараварга ошади ↑		+ 0,03% пункт		

↓ ставка пасайтирилган

✚ янги киритилган, номи ўзгарган ва ўрнига жорий этилган

↑ ставка оширилган

❌ бекор қилинган